

**PEMBERITAHUAN PERTANYAAN DEWAN RAKYAT**

**PERTANYAAN : LISAN**

**DARIPADA : YANG BERHORMAT DR. ONG KIAN MING [ SERDANG ]**

**TARIKH : 1 NOVEMBER 2016**

**SOALAN :**

**YB Dr. Ong Kian Ming [ Serdang ] minta PERDANA MENTERI menyatakan tindakan yang diambil oleh SPR terhadap pihak yang membuat bantahan terhadap pengundi baru dalam Rang Pendaftar Pengundi Tambahan (RDPT) tetapi gagal untuk membayar pampasan kepada pihak pengundi seperti yang dinyatakan dalam Seksyen 18, Peraturan-Peraturan Pilihan Raya (Pendaftaran Pemilih) 2002.**

**JAWAPAN: YB DATO' SRI AZALINA BINTI OTHMAN SAID,  
MENTERI DI JABATAN PERDANA MENTERI.**

Tuan Yang di-Pertua,

Untuk makluman Ahli Yang Berhormat, Suruhanjaya Pilihan Raya (SPR) sentiasa memastikan setiap kes bantahan yang melibatkan pembayaran oleh Pembantah dibayar sepertimana yang ditetapkan oleh Pendaftar semasa Siasatan Awam. Ini adalah selaras dengan peruntukan undang-undang di bawah Peraturan 18 Peraturan-Peraturan Pilihan Raya (Pendaftaran Pemilih) 2002. Namun, sekiranya pihak Pembantah gagal untuk membuat bayaran sepertimana yang diputuskan oleh Pendaftar, maka pihak yang dibantah berhak untuk membuat tindakan susulan bagi menguatkuasakan perintah tersebut seolah-olah ia adalah perintah Mahkamah Sesyen dan boleh diambil melalui tindakan sivil selaras dengan Peraturan 21 Peraturan-Peraturan Pilihan Raya (Pendaftaran Pemilih) 2002.

Sekian, terima kasih.